



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## **22/05 GIORRONADA MONDIALI DE SA BIODIVERSIDADI**

Su 22 de maju de su 1992 ant firmau, in Rio de Janeiro in Brasili, sa Conventzioni po sa Biodiversidadi e s'ONU, po dda arremonai, at fatu sa Giorronada Mondiali po sa Biodiversidadi cun sa mira de amanniai su sentidu e sa cuscìentzia de is chistionis acapiadas a issa.

Sa Conventzioni fait a manera ca tutos is fainas siant conca a unu benidori prus sustenìbili e pertocat calisiat setori: da cuddu scientificu e de is biotecnologias a cuddu de sa polìtica, de sa massirìtzia, de sa cultura e de s'educatzioni.

Su territòriu de su comunu de Domus de Maria est de primori siat po sa frora ca po sa fauna de mari e de terra. Pruschetotu mangonis medas ca in su mesi de làmpadas ant scioberau su Stàini de Spartivento po fai su niu o is tostoinus marinus (Careta Careta) ca de annus medas faint is ous me in sa costera de Chia, o incora genias vegetalis cumentis sa Posidònia ca faint unu traballu de amparu de is costas e cumentis inditadori de sa calidadi de s'àcua. Custas funt sceti tres intre decinas de genias chi arrichint sa biodiversidadi de s'àrea e dda faint ùnica e de importu po dd'amparai non sceti po s'echilìbriu ambientali ma po fintzas poita de issa ndi benint is diritus a sa vida, seguresa, sanidadi, papai, cultura e traballu.